

全上古三代秦漢三國六朝文

全陳文目錄

武帝

卷一

文帝

卷二

廢帝

宣帝

已上卷一

後主

武宣章后

後主沈后

始興王叔陵

已上卷四

周弘正

周弘讓

周弘直

何之元

已上卷五

徐陵

卷六至卷十一

虞荔

虞寄

歐陽頎

江德藻

徐伯陽

姚暉

沈君理

沈不害

沈文阿

已上卷十二

沈洙

袁泌

袁樞

顧野王

杜之偉

庾持已上卷十三

沈炯卷十四

許亨

張種

張立

蔡景麻

毛喜

宗元饒

顧越

劉師知

蕭沈

謝岐已上卷十五

張正見

陳暄

傅綽

章華

伏知道

謝貞

褚玠已上卷十六

陸瓊

陸瑜

沈仲由

盛權

徐君敷

張君祖

庾僧淵

朱世卿

楊輦已上卷十七

闕名奏版

釋慧愷

釋慧達

釋曇瑗

釋惠津

智文

闕名已上卷十八

大凡全陳文六十二人

大凡全陳文十八卷

全陳文卷一

烏程嚴可均校輯

武帝

帝姓陳諱霸先字興國小字法生吳興長城下若里人漢太丘長陳是之後梁大同中爲廣州中直兵參軍除直閣將軍封新安子授交州司馬領武平太守太清中除振遠將軍高要太守元帝承制授員外散騎常侍持節明威將軍交州刺史改封南野縣伯進信威將軍豫州刺史領豫章內史改封長城縣侯尋授散騎常侍使持節軍師將軍南江州刺史進江州刺史尋授平東將軍東揚州刺史領會稽太守鎮京口進征北大將軍開府儀同三司南徐州刺史承聖末進司空敬帝卽位授侍中大都督中外諸軍事車騎將軍揚南徐二州刺史尋授中書監司徒進爵爲公拜丞相錄尚書事鎮衛大將軍進封義興郡公拜

太傅進位相國總百揆加九錫封陳公尋進爵爲王曰太平元
年十月受禪改元永定在位三年諡曰武皇帝廟號高祖

受禪大赦詔永定元年十月乙亥

五德更運帝王所曰御天三正相因夏殷所曰宰世雖色分辭翰
時異文質揖讓征伐迄用參差而育德振民義歸一揆朕曰寡昧
時屬艱危國步屢屯天維三絕肆勤先后拯厥橫流藉將帥之功
兼猛士之力一匡天下再造黔黎梁氏曰天祿永終麻數攸在遵
與能之典集大命于朕躬願惟菲德辭不獲亮式從天聽俯協民
心受終文祖升禋上帝繼迹百王君臨萬宇若涉川水罔知攸濟
寶業初建皇祚維新思俾惠澤覃被億兆可大赦天下改梁太平
二年爲永定元年賜民爵二級文武二等鰥寡孤獨不能自存者
人穀五斛逋租宿債皆勿復收其有犯鄉里清議贓污淫盜者皆
洗除先注與之更始長徒救繫特皆原之亡官失爵禁錮奪勞一

依舊典陳書武

帝紀下

曰梁主爲江陰王詔

禮陳祀宋詩詠二客弗臣之重歷代斯敦梁氏欽若人祇憲章在昔濟河沈璧高謝萬邦茅賦所加宜遵舊典其曰江陰郡奉梁主爲江陰王行梁正朔車旗服色一依前準宮館資待務盡優隆

陳書

武帝紀下

刪改科令詔 永定元年十月癸未

朕聞唐虞道盛設畫象而不犯夏商德衰雖孥戮其未備洎乎末代綱目滋繁矧屬亂離憲章遺紊朕始膺寶厯思廣政樞外可搜舉良才刪改科令羣僚博議務存平簡

隋書刑法志

追贈兄道譚驃騎大將軍太尉封始興郡王詔

永定元年十月癸

天倫所感義本因心名器追崇則惟恆典亡兄梁故南兖州刺史長城縣公德範沈遂風度寬厚性與天通淡乎靡測昔彈冠入仕

譽重城華，宣力艱難，遂順洪業。雖時非季漢，勢異桓王，海內挹其風流，生民懷其大德者矣。朕受天明命，爰膺寶曆，言尋永往，興慕增懷。可奉贈太尉公。

魏文類聚四十六沈炯太尉始興昭烈王碑永定元年下詔

贈周鐵虎詔 永定元年十月

天地之寶，所貴曰生。形魄之徒，所重唯命。至如捐生立節，效命酬恩，追遠懷昔，信宜加等。散騎常侍嚴威將軍太子左衛率潼州刺史領信義太守池陽縣開國侯鐵虎，器局沈厚，風力勇壯，北討南征，竭忠盡力，推鋒江夏，致陷凶徒，神氣彌雄，肆言無撓，豈直溫序見害，方其理髮，靡德臨危，猶能瞋目，忠貞如此，惻愴兼深，可贈侍中護軍將軍青冀二州刺史，加封一千戶，并給鼓吹一部，侯如故。

陳書周鐵虎傳

封兄子蒨爲臨川王詔 永定元年十一月丙申

東都齊國義乃親賢，西漢城陽事兼功烈。散騎常侍使持節都督

會稽等十郡諸軍事宣毅將軍會稽太守長城縣侯學尚清優神
寓凝正文參禮樂武定祇氛心力謀猷爲家治國擁旄作守朞月
有成辟彼關河功踰蕭寇萑蒲之盜自反耕農篳竹之豪用稟聲
朔朕曰虛寡屬當興運提彼三尺賓于四門王業艱難賴乎此子
宜隆上爵稱是元功可封臨川郡王邑二千戶兄子梁中書侍郎
頊襲封始興王弟子梁中書侍郎曇朗襲封南康王禮秩一同正
王

陳書武
帝紀下

封從子陳擬等詔 永定元年

維城宗子實固有恩盤石懿親用隆大漢故會盟則異姓爲後啟
土則非劉勿玉所已糾合枝幹廣樹蕃屏前王懋典列代恆規從
子持節員外散騎常侍明威將軍雍州刺史監南徐州擬持節通
直散騎侍郎貞威將軍北徐州刺史褒從子晃炅從孫假節員外
散騎常侍明威將軍設假節信威將軍北徐州刺史吉陽縣開國

侯誼假節通直散騎侍郎信武將軍而假節散騎侍郎雄信將軍
青州刺史廣梁太守詳貞威將軍通直散騎侍郎慧紀從孫敬雅
敬泰並枝戚密近劬勞王室並列河山已光利建擬可承修縣開
國侯褒鍾陵縣開國侯晃建城縣開國侯晃上饒縣開國侯諺虔
化縣開國侯誼仍前封而豫章縣開國侯詳遂興縣開國侯慧紀
宜黃縣開國侯敬雅靈都縣開國侯敬泰平固縣開國侯各邑百

戶

陳書陳
擬傳

改官制詔永定二年正月乙未

夫設官分職因事重輕羽儀車馬隨時隆替晉之五校鳴笳啟途
漢之九卿傳呼並列虞官夏禮豈曰同科殷樸周文固無恆格朕
膺茲寶麻代是天工畱念官方庶允時喪梁天監中左右驍騎領
朱衣直閣並給儀從北徐州刺史唱義之初首爲此職亂離歲久
朝典不存後生年少希聞舊則今去左右驍騎宜通文武文官則

用腹心武官則用功臣所給儀從同太子二衛率此外眾官尙書

詳爲條制

陳書武帝紀下

親祠南郊赦詔永定二年正月辛丑

朕受命君臨初移星瑤孟陬嘉月備禮泰壇景候昭華人祇允慶
思令億兆咸與惟新且往代祇氛于今猶梗軍機未息徵賦咸繁
事不獲已久知下僎言念黔黎無忘寢食夫罪無輕重已發覺未
發覺在今昧爽目前皆赦除之西寇自王琳已下竝許返迷一無
所問近所募義軍本擬西寇竝宜解遣畱家附業輓訂軍資未送
者竝停元年軍糧通餘者原其半州郡懸軍戍竝不得輒遣使民
間務存優養若有侵擾嚴爲法制

陳書武帝紀下

原沈泰部曲妻兒詔

永定二年三月甲午

罰不及嗣自古通典罪疑惟輕布在方策沈泰反覆無行遐邇所
知昔有徵功仍荷朝寄剖符名郡推轂累藩漢口班師還居方岳

良田有逾于四百，食客不止于三千，富貴顯榮，政當如此，鬼害其盈，天奪之魄，無故猖狂，自投獯醜，雖復知人則哲，惟帝其難。光武有蔽于龐萌，魏武不知于于禁，但令朝廷無我負人，其部曲妻兒各令復業，所在及軍人若有恐脅侵掠者，皆曰劫論。若有男女口爲人所滅，並許詣臺申訴。若樂隨臨川王及節將立效者，悉皆聽

許，陳書武
帝紀下

擢用舊員詔，永定二年十二月丁亥。

梁時舊仕，亂離播越，始還朝廷，多未銓序，又起兵已來，軍勳甚眾，選曹卽條文武簿及節將應九流者，量其所擬。

陳書武
帝紀下

南康始興二王諸主宜隆禮數詔，永定三年正月。

南康始興王諸妹已有封爵，依禮止是藩主，此二王者有殊恆情，宜隆禮數，諸主儀秩及尚主可並同皇女。

陳書武
帝紀下

分郵東陽詔，永定三年閏四月庚寅。

開廩賑絕育民之大惠巡方恤患前王之令典朕當斯季俗膺此樂推君德未孚民瘼猶甚重茲多壘彌疚納隍良由四聰弗達千里勿應博施之仁何其或爽殘弊之軌致此未康吳州縉州去歲蝗旱郢田雖咒鄭渠終涸室靡盈積之望家有填壑之嗟百姓不足兆民何賴近已遣中書舍人江德藻銜命東陽與令長二千石問民疾苦仍日入臺倉見米分恤雖德非既飽庶微慰阻飢

陳書武帝紀

定救日儀詔

永定三年五月丙辰朔

此乃前代承用意有未同合朔仰助太陽宜備袞冕之服自今已去永可爲準

陳書武帝紀下五月景辰朔日有食之有司奏舊儀御前殿服朱紗袍通天冠詔云云又見南史九

討熊曇朗詔

永定三年六月甲午

曇朗噬逆罪不容誅分命眾軍仍事掩討方加梟磔已明刑憲

陳書

武帝紀下

遺虞荔書

喪亂已來，賢哲凋散，君才用有美聲，聞許洛，當今朝廷，惟新廣求英雋，豈可棲遲東土，獨善其身，今令兒子將接出都，想必副朝廷虛遲也。

陳書虞荔傳

下璽書救州郡，永定元年十月己卯。

夫四正革代，商周所召，應天五勝，相推軒義，所召當運，梁德不造，喪亂積年，東夏崩騰，西都蕩覆，蕭勃干紀，非唯趙倫，侯景滔天，踰于劉載，貞陽反篡，賊約連兵，江左累屬于鮮卑，金陵久非于梁國，有自氤氳混沌之世，龍圖鳳紀之前，東漢興平之初，西朝永嘉之亂，天下分崩，未有若于梁朝者也，朕曰虛薄，屬當興運，自昔登庸，首清諸越，徐門浪泊，靡不征行，浮海乘山，所在戡定，冒愆風塵，馳師旅，六延梁祀，十剪疆寇，豈曰人謀，皆由天啟，梁氏曰天祿斯改，期運永終，欽若唐虞，推其鼎玉，朕東西退讓，拜手陳辭，避舜子。

于箕山之陽求支伯于滄洲之野而公卿敦逼率土翹惶天命難稽遂享嘉祚今月乙亥升禮太壇言念遷桐但有慙德自梁氏將末頻月亢陽火運斯終秋霖奄降翌日成禮圓丘宿設埃雲晚霽星象夜張朝景重輪泣二危之覺露晨光合璧帶五色之卿雲願惟寡薄彌慙休祉昧且不顯方思至治卿等擁旌方岳相任股肱剖符名字方寄恤隱王厯惟新念有欣慶想深求民瘼務在廉平愛惠曰撫孤貧咸刑曰禦彊悍若有萑蒲之盜或犯戎商山谷之酋擅疆幽險皆從肆赦咸使知聞如或迷途俾在無貸今遣使人具宣往旨念思善政副此虛懷

陳書武帝紀下

卽位告天文

皇帝臣霸先敢用立牲昭告于皇皇后帝梁氏曰圯剝薦臻厥運有極欽若天應曰命于霸先夫肇有烝民乃樹司牧選賢與能未常厥姓放勳重華之世咸無意于受終當塗典午之君雖有心于

揖讓皆曰英才處萬乘高勳御四海故能大庇黔首光宅區縣有
梁末運仍葉遘屯種醜憑陵久移神器承聖在外非能祀夏天未
悔禍復懼寇逆嫡嗣廢黜宗枝僭詐天地蕩覆紀綱泯絕霸先爰
初投袂大拯橫流重舉義兵實戡多難廢王立帝實有厥功安國
定社用盡其力是謂小康方期大道既而煙雲表色日月呈瑞緯
聚東井龍見譙邦除舊布新既彰立象遷虞事夏且協謳訟九域
人荒同布衷款百神羣祀皆有誠願梁帝高謝萬邦投曰大寶霸
先自惟菲薄讓德不嗣至于再二辭弗獲許僉曰百姓須主萬機
難曠皇靈眷命非可謙托畏天之威用膺嘉祚永言夙志能無慙
德敬簡元辰升壇受禪告類上帝用答民心永保于我有陳惟明

靈是饗

陳書武帝紀
下南史九

賜進士出身二品銜廣東等處提刑按察使司按察使兼管驛傳事務黃岡王毓藻校刊

全陳文卷一終

全陳文卷一

武帝

七

全陳文卷二

烏程嚴可均校輯

文帝

帝諱楨字子華武帝兄始興王道譚之長子梁承聖初爲吳興太守歷信武將軍監南徐州太平初授持節宣毅將軍會稽太守武帝受禪封臨川王拜侍中安東將軍永定三年六月卽位改元二天嘉天康在位七年諡曰文皇帝廟號世祖

卽位大赦詔 永定三年六月甲寅

上天降禍奄集邦家大行皇帝背離萬國率土崩心若喪考妣龍圖寶厪眇屬朕躬運鍾擾攘事切機務南面須主西讓禮輕今便式膺景命光宅四海可大赦天下罪無輕重悉皆蕩滌遵祖宿債吏民僭負可勿復收文武內外量加爵敘孝悌力田爲父後者賜爵一級庶祇畏在心公卿畢力勝殘去殺無待百年興言號咷溟

增慟絕

陳書文帝紀

封第二子頊爲始興王詔

永定三年十月

日者皇基肇建封樹枝戚朕親地攸在特啟大邦弟頊嗣承門祀雖土宇開建薦饗莫由重日遭家不造閔凶夙遘儲貳遐隔轉車未返猥日眇身膺茲景命式循靈鼎冰谷載懷今既入奉大宗事絕藩禋始興國廟蒸嘗無王瞻言霜露感尋慟絕其徒封嗣王頊爲安成王封第二子伯茂爲始興王日奉昭烈王祀賜天下爲父後者曾一級庶申罔極之情永保山河之祚

陳書始興王伯茂傳

詔答沈炯

省表具懷卿譽馳咸繼情深宛沛日者理切倚門言歸異域復牽時役遂乖侍養雖周生之思每欲棄官戴禮垂文得遣從政前朝光宅四海劬勞萬機日卿才爲獨步職居專席方深委任屢屈情禮朕嗣奉洪基思弘景業願茲寡薄兼纏哀疚實賴賢哲同致雍

熙豈便釋簡南闕解紱束路當令馮親入台當母從官用觀朝榮
不虧家禮尋敕所司相迎尊累使卿公私得所並無廢也陳書沈
炯傳

改元大赦詔

天嘉元年正月癸丑

朕日寡昧嗣纂洪業哀惇在疚治道弗昭仰惟前德幽顯遐暘恭
己不言庶幾無改雖宏圖懋軌日月方弘而清廟廓然聖靈浸遠
感尋永往瞻言罔極今四象運周三元告獻華夷胥洎玉帛駸奔
思覃遺澤播之億兆其大赦天下改永定四年爲天嘉元年鰥寡
孤獨不能自立者賜穀人五斛孝悌力田殊行異等加爵一級

陳書文

帝紀

親祠南郊詔

天嘉元年正月辛酉

朕式饗上玄虔奉牲玉高禋禮畢誠敬兼弘且陰霾決辰褰霽在
日雲物韶朗風景清和慶動人祇怵流庶俗思俾黎元同此多祐
可賜民爵一級陳書文
帝紀

原宥王琳黨與詔

天嘉元年二月戊戌

夫五運遞來，三靈眷命，皇王因之，改創殷周。所召樂推，朕統厥承。基不隆鼎，運期理攸屬。數祚斯在，豈僥倖所至。靈卜祝可求，故知神器之重，必在符命。是已逐鹿貽譏，斷地定業。亂臣賊子，異世同尤。王琳識暗，挈瓶智慙，衛足干紀，亂常自貽。顛沛而措紳君子，多被繫維。雖涇渭合流，蘭鮑同肆，求之厥理，或有脅從。今九戩既設，八紘斯掩，天網恢恢，吞舟是漏。至如伏波游說，永作漢蕃。延壽脫歸，終爲魏守。器改秦皮，材通晉楚，行藏用舍，亦豈有恆。宜加寬仁，旨彰雷作。其衣冠士族，預在凶黨，悉皆原宥。將帥戰兵，亦同肆眚。並隨才銓引，庶收力用。

陳書文
帝紀

贈諡死事將士詔

師旅已來，將士死王事者，並皆贈諡。

陳書文
帝紀

獨復丁役詔

天嘉元年二月己亥

日者凶渠肆虐，眾軍進討，舟艦輜輸，積權倩民丁，師出經時，役勞日久，今氛禔廓清，宜有甄被，可蠲復丁身夫妻三年，子役不幸者，復

其妻子。

陳書文

寬賦詔

天嘉元年三月丙辰

自喪亂日來，十有餘載，編戶凋亡，萬不遺一，中原岷庶，蓋云無幾，頃者寇難仍接，算斂繁多，且興師日來，千金日費，府藏虛竭，杼軸歲空，近所置軍資，本充戎備，今元惡克殄，八表已康，兵戈靜戢，息肩方在，思俾餘黎，陶此寬賦，今歲軍糧，通減三分之一，尚書申下四方，稱朕哀矜之意，守宰明加勸課，務急農桑，庶鼓腹含哺，復在

茲日。

陳書文

錄序鄂州官屬詔

天嘉元年三月丁丑

蕭莊僞署文武官屬還朝者，量加錄序。

陳書文

衡陽王喪柩至下詔

天嘉元年四月庚辰

案本傳作庚寅誤

夫寵章所曰嘉德禮數所曰崇親乃歷代之通規前王之令典新
除使持節散騎常侍都督湘州諸軍事驃騎將軍湘州牧衡陽王
昌明哲在躬珪璋早秀孝敬內湛聰睿外宣梁季艱虞宗社顛隳
西京淪覆陷身關隴及鼎業初基外蕃逆命聘問斯阻音介莫通
睽彼機橋將鄰烏白今者羣公戮力多難廓清輕傳八郛無勞假
道周朝敦其繼好驂駕歸來欣此朝聞庶歡昏定報施徒語曾莫
輔仁人之云亡殄悴斯在奄焉薨殞倍增傷悼津門之慟空在桓
岫之功不追靜言念之心焉如割宜隆懋典日協徽猷可贈侍中
假黃鉞都督中外諸軍事太宰揚州牧給東園溫明祕器九旒纓
輅黃屋左纛武賁班劍百人輜輶車前後部羽葆鼓吹葬送之儀
一依漢東平憲王齊豫章文獻王故事仍遣大司空持節迎護喪
事大鴻臚副其羽衛殯送所須隨由備辦

陳書衡陽王昌傳

葬梁元帝詔

天嘉元年六月壬辰

梁孝元遭離多難，靈柩播越。朕昔經北面，有異常偷遣使迎接。已次近路，江寧既是舊塋，宜卽安卜。車旗禮章，悉用梁典。依魏葬漢

獻帝故事。

陳書文
帝紀

進賢詔 天嘉元年七月甲寅

朕日眇身，屬當大寶，負荷至重，憂責實深。而庶績未康，胥怨猶結。佇咨賢良，發于夢想。每有一言入聽，片善可求。何嘗不褒獎，拙揚絨書紳帶，而傳巖虛往。穹谷尙淹，蒲幣空陳。旌弓不至，豈當有乖。則哲使草澤遺才，將時運滄流。今不逮古，側食長懷。寢興增歎。新安太守陸山才有啟薦梁前征西從事中郎蕭策。梁前尙書中兵郎王暹。並世胄清華，羽儀著族。或文史足用，或孝德可稱。並宜登之朝序。擢曰不次。王公已下，其各進舉賢良。申薦淪屈。庶眾才必萃。大厦可成。使棫樸載哥，由庚在詠。

陳書文帝紀羅
願新安志九

僞舊著籍詔 天嘉元年七月乙卯

自頃喪亂編戶播遷言念餘黎良可哀愷其亡鄉失土逐食流移者今年內隨其適樂來歲不問僑舊悉令著籍同土斷之例

陳書文帝

紀通

種麥詔 天嘉元年八月壬午

菽粟之貴重于珠玉自頃寇戎游手者眾民失分地之業士有佩犢之譏朕哀矜黔庶念康弊俗思俾阻飢方存富教麥之爲用要切斯甚今九秋在節萬寶可收其班宣遠近竝令播種寸宰親臨

勸課務使及時其有尤貧量給種子

陳書文帝紀

禁奢麗詔 天嘉元年八月戊子

汗樽土鼓誠則難追畫卯彫韞或可易革梁氏未運奢麗已甚芻豢厭于胥史歌鐘列于管庫牛木被朱丹之采車馬飾金玉之珍逐欲澆流遷訛遠朕自諸生頗爲肉足而家敦樸素室靡浮華觀覽時俗常所扼腕今妄假時乘臨馭區極屬當淪季思聞治道

菲食卑宮自安儉陋俾茲薄俗獲反宿風維雕鏤淫飾非兵器及國容所須金銀珠玉衣服雜玩悉皆禁斷

陳書文帝紀

召方泰爲南康世子詔

天嘉元年

南康王曇朗出隔齊庭反身莫測國朔方修莫饗須主可召長男

方泰爲南康世子嗣南康王後

陳書南康王曇朗附傳

停春夏使罪詔

天嘉元年十二月乙未

古者春夏二氣不決重罪蓋曰陽和布澤天秩是弘寬網省刑義符含育前王所召則天象地立法垂訓者也朕屬當澆季思求民瘼哀矜惻隱念甚納隍常欲式遵舊軌用長風化自今孟春訖于夏首罪人大辟事已款者宜且申停

陳書文帝紀

詔答沈不害

天嘉初

省表聞之自舊章弛廢微言將絕朕嗣膺寶業念在緝熙而兵革未息軍國草創常恐前王令典一朝泯滅卿才思優洽文理可求

引惜大體殷勤名教付外詳議依事施行

陳書沈不害傳

曰侯瑱等配食高祖廟庭詔

天嘉二年九月甲寅

姬業方闡望載涓濱漢麻既融道通圯上若乃儲精辰宿降靈惟岳風雲有感夢寐是求斯固舟楫鹽梅遞相表裏長世建國罔或不然至于銘德太常從祀清廟日貽厥後來垂諸不朽者也前皇經濟區宇裁成品物靈貺式甄光膺寶命雖慕明濬發幽顯協從亦文武賢能翼宣王業故大司馬驃騎大將軍瑱故司空文育故平北將軍開府儀同三司僧明故中護軍穎故領軍將軍擬或締構艱難經綸夷險或摧鋒冒刃殉義遺生或宣哲協規綱繆帷幄或披荆汗馬終始勤劬莫不罄誠悉九屯泰日之朕日寡昧嗣膺丕緒永言勳烈思引典訓便可式遵故實載揚盛軌可竝配食高祖廟庭俾茲大猷永傳宗祏

陳書文帝紀

下詔討雷異

天嘉二年十二月丙戌

昔四罪難弘，大媿之所無赦。九黎亂德，少昊之所必誅。自古皇王，不貪征伐，苟爲時蠹，事非獲已。逆賊雷異，數應亡滅。繕甲完聚，由來積年。進謝羣龍，自躍于千里。退讓首鼠，恆持于百心。中歲密契，番馬旣引天綱。賜曰名魯，敦曰國姻。儻望懷音，猶能革面。王琳竊據中流，翻相應接。別引南川之嶺路，專爲東道之主人。結附凶渠，唯欣禍亂。旣厭氛盪定，氣沮心孤。類傷鳥之驚絃，等窮獸之謀解。雖復遣家人質，子陽之態轉逆。侍子還朝，愧器之心方熾。朕志成養，不計疵慝。披襟解帶，敦喻殷勤。蜂目彌彰，梟聲無改。遂置軍江口，嚴戍下淮。顯然反叛，非可容匿。且緝邦膏腴，稽南殷曠。永割王賦，長壅國民。竹箭良材，絕望京輦。菹蒲小盜，共肆貪殘。念彼餘屯，兼其愷息。西戎屈膝，自款重關。秦國依風，竝輸侵地。三邊已入，四表咸寧。唯此微妖，所宜清殄。可遣使持節都督南徐州諸軍事，征北將軍司空南徐州刺史桂陽郡開國公安都指往擒戮。罪止。

異身餘無所問

陳書雷異傳

贈諡南康王曇朗詔

天嘉二年

夫追遠慎終，抑聞前誥。南康王曇朗明哲懋親，蕃維是屬。入質北齊，用紓時難。皇運兆興，未獲旋反。永言跋子，日夜不忘。齊使始至，凶問奄及。追懷痛悼，兼倍常情。宜隆寵數，日光恆序。可贈侍中安

東將軍開府儀同三司南徐州刺史諡曰愍

陳書南康王曇朗傳

南郊恩詔

天嘉三年正月辛亥

朕負荷靈圖，亟回星璣。兢兢業業，庶幾治定。而德化不孚，俗弊滋甚。永言念之，無忘日夜。陽和布氣，昭事上玄。躬奉牲玉，誠兼饗敬。思與黎元，被斯寬惠。可普賜民爵一級，其孝悌力田，別加一等。

陳書

文帝

收侯安都詔

天嘉四年六月癸巳

昔漢厚功臣，韓彭肇亂。晉倚蕃牧，敦約稱兵。託六尺于龐萌，野心

竊發寄股肱于霍禹凶謀潛構道惟往代挺逆一揆永言自古患難同規侯安都素乏遙圖本愆令德幸屬典選預奉經綸拔跡行閒假之毛羽推于偏帥委已馳逐位極三槐任居四嶽名器隆赫禮數莫儔而志唯矜己氣在陵上招眾逋逃窮極輕狡無賴無行不畏不恭受賑專征剽掠一逞椎敲所鎮哀斂無厭寄已徐菴接鄰齊境買遷禁貨鬻賣居民椎埋發掘毒流泉壤睚眦僵尸罔顧彝憲朕已爰初締構頗著功績飛驂代邸預定嘉謀所已淹抑有司每懷遵養杜絕百辟日望自新款襟期于話言推丹赤于造次策馬甲第羽林息警置酒高堂陸戰無衛何嘗內隱片嫌去柏人而勿徇外協猜防入成臬而不匿而勃戾不悛驕暴滋甚招誘文武密懷異圖去年十二月十一日獲中書舍人蔡景祿啟稱侯安都去月十日遣別駕周弘實來景祿私省宿訪問禁中具陳反計朕猶加隱忍待之如初爰自北門遷授南服受命經停奸謀益露

今者欲因初鎮將行不軌此而可忍孰不可容賴社稷之靈近侍
誠懇醜情彰暴逆節顯聞外可詳案舊典速正刑書止在同謀餘

無所問

陳書侯
安都傳

己周鐵虎配食高祖廟庭詔

天嘉五年二月壬午

漢室功臣形寫宮觀魏朝猛將名配宗祧功烈所已長存世代因
之不朽故侍中護軍將軍青冀二州刺史沌陽縣開國侯鐵虎誠
節鯁亮力用雄敵王業初基行開累及垂翅賊壘正色寇庭古之
遺烈有識同壯隕身不屈雖隆榮等營魂易遠言追嘉惜宜仰陪
孺寢恭頌饗奠可配食高祖廟庭

陳書周
鐵虎傳

曲赦京師詔

天嘉五年七月丁丑

朕已寡昧屬當負重星籥亟改寇旒弗曠不能仰協璿衡用調玉
燭俯慰蒼生已安黔首兵無寧歲民乏有年移風之道未弘習俗
之患猶在致令氓多觸網吏繁筆削獄犴滋章雖由物犯固囹流

激亦或有冤念俾納隍載勞負戾加已膚濇不適攝衛有虧比獲
微痊思覃寬惠可曲赦京師

陳書文帝紀

賻卹周敷詔

天嘉五年

使持節散騎常侍都督南豫州緣江諸軍事鎮南將軍南豫州刺
史西豐縣開國侯敷受任遐征淹時違律虛矜奸詭遂貽喪什但
夙著勤誠亟勞戎旅猶深惻愴愴悼于懷可存其茅賦量所賻卹

陳書周敷傳

許建安等郡流民還本詔

天嘉六年三月乙未

侯景已來遭亂移在建安晉安義安郡者並許還本土其被略爲

奴婢者釋爲良民

陳書文帝紀

脩治古忠烈墳冢詔

天嘉六年八月丁丑

梁室多故禍亂相尋兵甲紛紜十年不解不逞之徒虐流生氣無
賴之屬暴及徂魂江左肇基王者攸宅金行水位之主木運火德

之君時更四代歲逾二百若其經綸三業縮紳民望忠臣孝子何世無才而零落山上變移陵谷或皆翦伐莫不侵殘玉杯得于民間漆簡傳于世載無復五株之樹罕見千年之表自大祚光啟恭惟揖讓爰暨朕躬聿脩祖武雖復旂旗服色猶行祀宋之計每車駕巡遊眇瞻河雒之路故喬山之祀積藻弗虧驪山之墳松柏恆宇唯感藩舊壘士子故塋掩殫未周樵牧猶眾或親屬流隸負土無期子孫冥滅手植何寄漢高雷連于無忌宋祖惆悵于子房臣基生哀生靈共惻者也朕所召興言永日思慰幽泉維前代王侯自古忠烈墳冢被發絕無後者可檢行脩治墓中樹木勿得樵採庶幽顯咸嗚稱朕意焉

陳書文

曲赦京師詔

天嘉六年十二月癸亥

朕自居民牧之重託在王公之上顧其寡昧謬于治道加已屢虧聽覽事多壅積免滯靡申幽枉弗鑒念茲罪戾有甚納隍而惠澤

未流愆陽累月今歲序云暮元正向肇所以使幽園之內同被時和

可曲赦京師

陳書文
帝紀

改元大赦詔

天康元年二月丙子

朕日寡德纂承洪緒日昃劬勞思弘景業而政道多昧黎庶未康兼疹患淹時亢陽累月百姓何咎實由朕躬念茲在茲痛如疾首

可大赦天下改天嘉七年爲天康元年

陳書文
帝紀

遺詔

天康元年四月

朕疾苦彌留遂至不救脩短有命夫復何言但王業艱難頻歲軍旅生民多弊無忘愧惕今方隅乃定俗教未弘便及大漸日爲遺恨社稷任重太子可卽君臨王侯將相善相輔弼內外協和勿違朕意山陵務存儉速大斂竟羣臣三日一臨公除之制率依舊典

陳書文

帝紀

救虞荔

能敦布素，乃當爲高。卿年事已多，氣力稍減，方欲仗委，良須克壯。

今給卿魚肉，不得固從所執也。

陳書虞荔傳

策命鄱陽王。

天嘉元年十月。

於戲！夫建樹藩屏，翼獎王室，欽若前典，威必由之。惟爾夙挺珪璋，坐知孝敬，令德茂親，僉譽所集，啟建大邦，實惟倫序。是用敬遵民聽，錫此圭瑞，往欽哉！其勉樹聲業，永保宗祚，可不慎歟。

陳書鄱陽王伯山傳

與虞荔書

君東南有美聲譽，洽聞自應，翰飛京許，共康時弊，而削迹三園，保茲獨善，豈使稱空谷之望邪？必願便尔做裝，且爲出都之計，唯遲披鞞在干茲日。

陳書虞荔傳

妙法蓮華經懺文

菩薩戒弟子皇帝稽首和南十方諸佛無量尊法一切聖賢竊已前佛後佛種種因緣已說當說各各方便莫非真語悉爲妙法理

無二極起必同歸。但因業因心稟萬類之識隨見隨著異羣生之相。品位分淺深覺悟有遲速。法而一味得之者參差。法雷一音問之者差別。是曰小乘頓教。由此各名聲聞菩薩。因斯分路。至如鹿苑初說羊車小乘。灰斷涅槃分段解脫。曰諸佛之善巧。會眾庶之根機。是曰半字。未稱三點。及夫會三歸一。反本還源。說大乘經名無量義。滅化城于中路。駕寶車于四衢。衣裘明珠。隱而還見。譬中眞寶于焉始得。出寶塔于空虛。踰菩薩于大地。見希有事。證微妙法。最勝最尊。難逢難值。弟子曰因地凡夫。屬符負荷。方欲憲章古昔。用拯黎元。竊曰羲皇結繩。深失大慈。成湯解羅。猶非妙善。揚旌丹水。異道樹而降魔。執玉塗山。非寶坊之大集。所曰憑心七覺。繫念四勤。住菩薩乘。顯無二之教。學如來行。開不二之門。汲引羣迷。導示眾惑。今謹于某處。建加干僧。如干日法華懺。見前大眾至心敬禮釋迦如來。多寶世尊。禮妙法華大乘經典。禮普賢菩薩妙光。

法師願多寶如來從地湧出。普賢菩薩乘象空來。並入道場。證明功德。擊大法鼓。轉妙法輪。震動世間。覺悟凡品。令使盡空法界。無量聲聞。無邊眾生。皆爲菩薩。總持性相。同到無生。稽首敬禮。常住。

三寶。

廣宏明集二十八下

金光明經懺文

菩薩戒弟子。皇帝稽首。和南十方諸佛。無量尊法。一切賢聖。尋夫靈鷲山間。自有常住之相。白鶴林處。本無變易之法。故知眞解脫者。誰辯去來。實智慧者。非有生滅。而顛倒迷愚。不曉三點之理。無明覆蔽。空有八十之疑。于是四佛世尊。百千菩薩。俱會信相之室。顯說釋迦之壽。明稱歎之妙偈。出懺悔之法音。是日經王微妙第一。日種智爲根本。日功德爲莊嚴。能照諸天宮殿。能與眾生快樂。能銷變異惡星。能除穀貴饑饉。能遣怖畏。能滅憂惱。能怯怨敵。能愈疾病。如法修行。功德已甚。弟子日茲冥昧。蒙承洪業。常恐王領。

之宜不符正論御世之道有乖天律庶績未康黎民弗乂方願歸
依三寶憑藉冥空護念眾生扶助國土今謹于某處建如千僧如
千日金光明懺見前大眾至心敬禮釋迦如來四佛世尊金光明
經信相菩薩願諸菩薩久住世間諸天善神不離土境方便利益
增廣福田映慈悲雲開智慧日作眼目導爲依止所成就菩提之
道場安住不動之境國稽首敬禮常住三寶

廣宏明集
二十八下

大通方廣懺文

菩薩戒弟子稽首和南十方三寶竊曰諸佛刹土不可言說如來
稱號無有限量或過去現在共取頌羅之姓或同時異世俱有釋
迦之名或明王十億或然燈三萬去來三界遍滿十方聞名者雖
塵受持者得道其爲功德難用思議釋迦如來自無礙力遊娑羅
之淨道止吉祥之福地寶池化生金花自涌說大通方廣出三寶
名號譬如六天總歸一乘弟子用慈悲之心修平等之業常日萬

那有罪責自一人四生未安、理爲重任、所日薰修在己、日夜忘勞、
精進爲心、夜分未息、菩薩行處、皆願受持、諸佛法門、悉令如說、欲
使普天率土、無復怖畏之塵、蠕動、蝸飛、永得歸依之地、今謹依經
教于某處、建如干僧、如干日、行方廣懺悔、讀誦百遍、右邊七布、塗
香末香、盡莊嚴之相、正念止觀、罄精懇之心、見前大眾、至心敬禮、
本師釋迦如來、禮方廣經中所說三寶名字、願諸佛菩薩、尋聲赴
響、放淨光明、照諸暗濁、施清涼水、滅茲渴愛、登六度舟、入三昧海、
總萬有而會真如、齊三界而登寶法、稽首敬禮、常住三寶、廣宏明
集二十

下人

虛空藏菩薩懺文

竊曰菩薩之于眾生、是大依止、觀察性相、隨機齊拔、一人未度、不
證善果、往古今來、行願如一、而虛空藏菩薩、最爲勝上、爲眾中之
幢王、爲大明之尊主、具諸佛之智慧、得如來之祕密、至因夢見形

隨緣示相。一聞稱號。水火不能焚溺。一心稱名。刀杖不能傷害。壽命財產之願念。而必談色聲味觸之須求。而皆遂。身心疾惱。憐愍療治。牢獄怖畏。方便解釋。此蓋隨從世法。安樂眾生。及夫動神變相。去香集之境。放淨光明。來開淨之界。入三昧定。除煩惱熱。說陀羅尼。破惡業障。五濁惡世。一時清涼。五根本罪。並皆解脫。此則開世間之眼。示涅槃之路。弟子承如來之教。稟諸佛之慈。國被菩薩之功。家行大士之業。方願十方利土。悉有一乘。十方眾生。皆修十地。今謹于某處。建如干僧。如干日。虛空藏菩薩懺。見前大眾至心敬禮。本師釋迦文佛。禮勝花教藏如來。禮陀羅尼神咒。禮虛空藏菩薩。願虛空藏菩薩賢應赴。現神通力。開智慧光。已種種身。遊諸國土。度脫眾生。不乖誓願。稽首敬禮。常住三寶。廣宏明集二十八下

方等陀羅尼齋懺文

竊曰三世諸佛。日誓願因緣。十方如來。日智慧方便。縱無礙之辯。

名下種字
當作稱

開無盡之門。法流派別。宗源無限。法本分散。枝條不極。非直摩訶
般若。獨有人萬四千。至于陀羅尼門。亦有九十二億。處處宣說。種
種名種。功德無量。威神不測。至如婆藪之拔地獄。波旬之發菩提
花聚之獲神通。雷音之脫掩蔽。莫不因斯章句。承茲業力。亦有四
部弟子。十方眾生。聞一句而發心。聽一說而悅道。故知一切諸法
無非真妙。弟子側身修行。所學者菩提。所食夙興。所行者濟度。一
心之力。攝取眾生。一念之頃。遍諸法相。如來種智。皆願總持。諸佛
功德。悉欲流布。今謹于法典。本之經教。見前大眾。至心敬禮。釋迦
牟尼佛。禮陀羅尼章句。禮雷音比丘。禮華嚴菩薩。願承此功德。調
伏眾生。滅三毒。心破十惡業。四百之煩惱。自然清淨。八萬四千塵
勞。一時解脫。得神咒之力。具法印之善。入陀羅尼門。觀諸佛境界。
頓消獄火。永盡無餘。稽首敬禮。常住三寶。廣宏明集二十八下

藥師齋懺文

竊曰諸行無常，悉爲累法。萬有顛倒，皆成苦本。然微鏡像，如變易之不停。漂草繫某，見生滅之奔迅。隨業風而入苦海，逐報障而趣幽途。去來三界，未見可安之所。輪迴五道，終無暫息之期。藥師如來有大誓願，接引萬物，救護眾生。導諸有之百川，歸法海之一味。亦能施與花林，隨從世俗，使得安樂，令無怖畏。至如八難九橫，五濁三災，水火盜賊，疾疫饑饉，怨家債主，王法縣官，憑陵之勢，萬端虔劉之法，千變悉能轉禍爲福，改危成安。復有求富貴，須祿位，延壽命，多子息，生民之大欲，世間之切要，莫不隨心應念，自然滿足。故知諸佛方便，事絕思量。弟子司牧寡友，庶績未乂，方憑藥師本願，成就眾生。今謹依經教，于某處建如干僧，如干日藥師齋懺。現前大眾，至心敬禮。本師釋迦如來，禮藥師如來，慈悲廣覆，不乖本願。不棄世間，興四等雲，降六度雨，滅生死火，除煩惱箭。十方世界，若輪燈而明朗，七百鬼神，尋結縷而應赴。障逐香然，災無復有。命

隨幡續漸登常住遊甚深之法性入無等之正覺行願圓滿如藥

師如來

廣宏明集二十八下

娑羅齋懺文

尋夫真解脫者本自不生實智慧者今亦無滅故知鶴林變色非
變易之文鷲山常在實常住之法但世界不一應赴所召不窮眾
生無邊方便所召無際隨念隨著種種法門因業因心各各示見
或八十小劫端坐之相未移方八十年無餘之機已及熙連河側
晨朝之色忽明娑羅樹間中夜之聲便寂最後功德是曰茲辰弟
子有緣闍浮屬當重任愍羣生之顛倒嗟庶類之愚迷常願造六
度之舟濟之于彼岸駕一乘之御驅之于中道今謹于太極殿設
無礙大會首僧一少娑羅大齋願法兩法雲清涼三界之火慧燈
慧炬照朗百年之室常住二字人天共聞伊字三點凡聖並悟無
勞迦葉之問不待須跋之疑一切種智而為根本無量功德召自

莊嚴意樹開解脫之花身田含定慧之水居處吉祥之地枕藉福
德之場與二氣而俱貞隨四時而納祐日月天子照合璧于大千
星辰宮殿散連珠于百億慈悲輕雨與祥風而並飛菩提寶雲共
飛煙而合彩六合四海無復塵勞六道四生俱蒙清淨廣宏明集
二十八下
無礙會捨身懺文

竊觀雅誥奧義皇上與在子之言禮經合典聖人揚罪己之說故
亡身濟物仁者之恆心克己利人君子之常德況復菩薩大士法
本行處應赴三界攝受四生運無量之四心修平等之六度國城
妻子僊俛哀荒承祖宗之大業扶曳喘息當天下之重任黎民弗
又庶績未熙御朽履冰無忘兢業又曰世相泡影有爲露電愛河
奔迅欲海飛騰稟識同焚含靈共溺垂璣憑玉還覺萬乘非尊當
宁負宸翻巨萬機成累夕惕若厲思宏汲引每且丕顯奉爲七廟
聖靈奉爲皇太后聖御奉爲天龍鬼神幽冥空有三界四生五道

六通若色若想若怨若親若非怨親遍虛空滿法界窮過去盡未來無量名識一切種類平等大捨弟子自身及乘輿法服五服鑿輅六冕龍章玉几玄裘金輪紺馬珠交纓絡寶飾莊嚴給用之所資待生平之所玩好竝而檀那咸施三寶今謹于前殿設無礙大會奉行所願并諸功德具列于前願諸菩薩冥空幽顯俱到證明開智慧日映慈悲雲樹寶幢于大千擊法鼓于百億震動世界覺悟羣生放三昧之淨光流一味之法雨引愚癡于火筭拔煩惱于棘林出輪轉河到無生岸

廣宏明集二十八下

賜進士出身二品銜廣東等處提刑按察使司按察使兼管驛傳事務黃岡王毓藻校刊

全陳文卷一終

全陳文卷三

烏程嚴可均校輯

廢帝

帝諱伯宗，字奉業，小字藥王，文帝長子。永定二年，拜臨川王。世子文帝卽位，立爲皇太子。天康元年卽位，明年改元光大。在位二年，宣太后令廢爲臨海王。

卽位大赦詔

天康元年四月癸酉

上天降禍，大行皇帝奄棄萬國，攀號靡及。五內崩殞，朕已寡德，嗣膺寶命，熒熒在疚，懼甚綴旒。方賴宰輔匡其不逮，可大赦天下。

陳書

廢帝

改元大赦詔

光大元年正月乙亥

昔昊天成命，降集寶圖。二后重光，九區咸乂。閱余沖薄，王道未昭。荷茲神器，如涉靈海。庶親賢竝建，牧伯惟良。天下雍熙，緬同刑措。

今三元改厯萬國充庭清廟無追其倏斯在言瞻宇位觸感崩心思播遺恩俾覃黎獻可大赦天下改天康二年爲光大元年孝悌

力田賜爵一級

陳書廢帝紀

收到仲舉等付廷尉詔

光大元年八月

到仲舉庸力小才坐叨顯貴受任前朝榮寵隆赫父參王政子據大邦禮盛外姻勢均戚里而肆其驕亂凌傲百司遏密之初擅行國政排黜懿親欺蔑台衮韓子高輩余細微擢自卑末入參禁衛委以心腹蜂蠆有毒敢行反噬仲舉子高共爲表裏陰構姦謀密爲異計安成王朕之叔父親莫重焉受命導揚稟承願託已朕冲弱屬當保祐家國安危事歸宰輔伊周之重物無異議將相舊臣咸知宗仰而率聚凶徒欲相掩襲屯據東城進逼崇禮規樹仲舉已執國權陵斥司徒意在專政潛結黨附方危社稷賴祖宗之靈姦謀顯露前上虞令陸昉等具告其事並有據驗并剋今月七日

縱其凶惡領軍將軍明徹左衛將軍衛尉卿寶安及諸公等又竝知其事二三證迹彰于朝野反道背德事駭聞見今大憲克殲罪人斯得竝可收付廷尉肅正刑書罪止仲舉父子及子高三人而已其餘一從曠蕩竝所不問

陳書到仲舉傳

詠華皎家口詔

光大元年九月乙巳

逆敗華皎極惡窮凶遂樹立蕭暉謀危社稷棄親卽讎人神憤惋王師電速水陸爭前梟翦之期匪朝伊暮其家口在北里尙方宜

從誅戮用明國憲

陳書廢帝紀

曲赦湘巴二郡詔

光大元年十月辛巳

賊皎輿皂微賤特逢獎擢任據藩牧屬當寵寄背斯造育興構姦謀樹立蕭氏盟約彰露鳩毒存心志危宗社扇結邊境驅逼士庶蟻聚巴湘不突郢郢逆天反地人神忿嫉征南將軍暉安南將軍明徹郢州刺史靈洗受律專征備盡心力撫勞驍雄舟師俱進義

烈爭奮兇惡奔殄獻捷相望重氣載廓言念泣罪思與惟新可曲
赦湘巴二州凡厥爲賊所逼制預在兇黨悉皆不問其賊主帥節

相竝許開恩出首一同曠蕩

陳書華
校傳

卹死事軍人詔

光大二年正月庚子

討華皎軍人死王事者竝給棺槨送還本鄉仍復其家

陳書廢
帝紀

宣帝

帝諱頊字紹世小字師利文帝第二弟梁承聖中爲直閤將軍
中書侍郎江陵陷隨例入關陳受禪遙襲父道譚爵始興王文
帝卽位改封安成王天嘉三年自周還授侍中中書監中衛將
軍尋授使持節揚州刺史進號驃騎將軍加開府儀同三司遷
司空天康初授尙書令廢帝卽位拜司徒進驃騎大將軍錄尙
書都督中外諸軍事進太傅光大二年宣太后令廢帝爲臨海
王三年正月卽位改元太建在位十四年諡曰孝宣皇帝廟號

高宗示

卽位改元大赦詔

太建元年正月甲午

夫聖人受命王者中興竝由懿德方作元后高祖武皇帝揖拜堯
圖經綸禹跡配天之業光辰象而利貞格地之功俾川岳而長遠
世祖文皇帝體上聖之姿當下武之運築宮示儉所務唯德定鼎
初基厥謀斯在朕曰寡薄才非聖賢夙荷前規方傳景祚雖復親
承訓誨志守藩維詠季子之高風思城陽之遠託自元儲紹國正
位君臨無道非幾佇聞刑措豈圖王室不造頻謀亂階天步艱難
將傾寶祿仰惟嘉命爰集朕躬我心貞確堅誓蒼昊而羣辟啟請
相諠渭橋文母尊嚴懸心長樂對揚璽紱非止股湯之三辭履涉
春冬何但代王之五讓今便肅奉天策欽承介主若據滄溟踰增
兢業思所召雲行雨施品物咸亨當與黔黎普同斯慶可改光大
三年爲大建元年大赦天下在位文武賜位一階孝悌力田及爲

父後者賜爵一級異等殊才並加策序鰥寡孤獨不能自存者人

賜穀五斛

陳書宣帝紀

卹軍士死傷詔 太建二年三月丁未

自討周迪華皎已來兵交之所有死亡者並令收斂並給棺槨送

還本鄉瘡痍未瘳者各給醫藥

陳書宣帝紀

安處新附詔 太建二年八月甲申

平當作年

懷遠已德抑惟恆典去戎即華民之本志頃平江介經負相隨崎

嶇歸化亭候不絕宜加卹養答其誠心維是荒境自投有在郡邑

及諸州鎮不問遠近並蠲課役若克平舊土反我侵地皆許還鄉

一無拘限州郡縣長明加甄別良田廢材隨便安處若輒有課訂

即日擾民論

陳書宣帝紀

行新政詔

民惟邦本著在典謨治國愛民抑又通訓朕聽朝晏罷日仄劬勞

方流惠澤。覃被億兆。有梁之季。政刑廢缺。條綱弛紊。僭盜荐興。役賦征徭。尤爲煩刻。大陳御萬。拯茲餘弊。滅扈戡黎。弗遐創政。年代彌流。將及成俗。如弗解張。物無與厝。夕惕疚懷。有同首疾。思從卑菲。約己濟民。雖府帑未充。君孰與足。便可刪革。去其泰甚。冀永爲定。準令簡而易從。自今維作。田值水旱未收。卽列在所。言上。折除軍士半登六十。悉許放還。巧手于役死亡。及與老疾不勞。訂補其籍。有巧隱。并王公百司。輒受民爲程蔭。解還本屬。開恩聽首。在職治事之身。須通相檢示。有失不推。當局任罪。令長代換。其條解舍。戶數付度。後人戶有增進。卽加擢賞。若致滅散。依事準給。有能墾起荒田。不問頃畝。少多。依舊蠲稅。陳書宣帝紀

原逆黨詔

太建三年三月丁丑

犯逆子弟支屬。逃亡異境者。悉聽歸首。見繫繫者。量可散釋。其有

居宅竝追還。

陳書宣帝紀

班宣兵法詔

太建四年八月戊寅

國之大事受朕興戎師出已律稟策于廟所已又安九有克成七德自頃掃滌羣穢廓清諸夏乃貔貅之戮力亦帷幄之運籌雖左衽已戡干戈載戢呼韓來謁亭郭無警但不教民戰是謂棄之仁必有勇無忘武備礪溪之傳韜設嚴城之授神符文叔懸制戎規孟德頗言兵略朕既慙暗合良皆披覽兼昔經督戎備嘗行陣齊呂七步肅之三鼓得自曾襟指掌可述今竝條制凡十三科宜卽

班宣已爲永準

陳書宣帝紀

令內外舉賢極諫詔

太建四年九月辛亥

舉善從諫在上之明規進賢謁言爲臣之令範朕已寡德嗣守寶圖雖世襲隆平治非盜一辨方分職盱食卑衣惕闕爭臣下無貢士何其闕爾鮮能抗直豈余獨運匪薦讜言置鼓公車罕論得失施石象魏莫陳可否朱雲摧檻良所不逢禽息觸檻又爲難進至

如衣禍已見。稽登已遊。或者艾絕倫。或妙年異等。千時而不偶。左右莫之譽。黑貂改弊。黃金且殫。終身滯淹。可爲太息。又貴爲百辟。賤有十品。工拙並黜。勸沮莫分。街謠徒擁。廷議斯闕。實朕之弗明。而時無獻替。永言至治。何適爽歟。外可通示文武。凡厥在位。風化乖殊。朝政紕盪。正色直辭。有犯無隱。兼各舉所知。隨才明試。其若政廉穢。在職能否。分別矢言。俟茲黜陟。

陳書宣帝紀

分留罷任之徒。往姑孰詔。

太建四年閏十一月辛未

姑孰饒曠。荆河斯擬。博望關畿。天限嚴峻。龍山南指。牛渚北臨。對熊繹之餘城。邇全琮之故壘。良疇美柘。哇畎相望。連宇高甍。阡陌如繡。自梁末兵燹。凋殘略盡。比雖務優寬。猶未克復。咫尺封畿。宜須殷阜。且眾將部下。多寄上下。軍民雜俗。極爲蠹耗。自今有罷任之徒。許分留部下。其已在江外。亦令迎還。悉住南州。津裏安置。有無交貨。不責市估。萊荒墾闢。亦停租稅。臺遣鎮監一人。共刺史津

主分明檢押給地賦田各立頓舍

陳書宣帝紀

創築東宮詔

太建四年十二月丁卯

梁氏之季兵火薦臻承華焚蕩頓無遺構寶命惟新迄將二紀頻事戎旅未遑脩繕今工役差閑椽楹有擬來歲開筆創築東宮可

權置起部尚書將作大匠用主監作

同上

皇孫胤生詔

太建五年三月己丑吳興王胤傳作二月乙丑

皇孫初誕國祚方熙思與羣臣共同斯慶內外文武賜帛各有差爲父後者賜爵一級

陳書吳興王胤傳

克壽陽下詔

梁末得懸瓠曰壽陽爲南豫州今者克復可還爲豫州曰黃城爲司州治下爲安昌郡滎湍爲漢陽郡三城依梁爲義陽郡並屬司

州

陳書宣帝紀

己吳明徹爲豫州刺史詔

太建五年十月丙辰

壽春者古之都會襟帶淮汝控引河洛得之者安是稱要害侍中使持節都督征討諸軍事征北大將軍開府儀同三司南平郡開國公明徹雄圖克舉宏略蓋世在昔屯夷締構皇業乃掩衡岳用清氛沴實吞雲夢卽敎上游今茲蕩定恢我王略風行電掃貔武爭馳月陣雲楫金湯奪險威陵殊俗惠漸邊氓惟功與能元戎是屬崇麾廣賦茂典恆宜可都督豫合建光朔北徐六州諸軍事車騎大將軍豫州刺史增封并前三千五百戶餘如故

陳書吳明徹傳

還王琳等首詔

太建五年十二月壬辰

古者反噬叛逆盡族誅夷所已藏其首級誠之後世比者所戮止及一身子胤或存梟懸自足不容久歸武庫長比月支惻隱之懷有仁不忍維熊曷朗畱異陳寶應周迪鄒緒等及今者王琳首竝還親屬已弘廣宥

陳書宣帝紀

案北齊書王琳傳琳故吏朱瑒致書陳尙書僕射徐陵求琳首陵感其志節明

徹亦歎夢琳求首竝爲啟陳主而許之

救江右淮北等州詔

太建六年正月壬戌

王者曰四海爲家萬姓爲子一物乖方夕惕猶厲六合未混肝食
彌憂朕嗣纂鴻基思弘經略上符景祐下叶人謀命將興師大拯
淪溺灰琯未周凱捷相繼拓地數千連城將百蠶彼餘黎毒茲異
境江淮年少猶有剽掠鄉閭無賴擄出陰私將帥軍人罔顧刑典
今使苛法蠲除仁聲載路且肇元告慶邊服來荒始觀皇風宜覃
曲澤可赦江右淮北南司定霍光建朔合豫北徐仁北兗青冀南
譙南兗十五州郢州之齊安西陽江洲之齊昌新蔡高唐南豫州
之歷陽臨江郡士民罪無輕重悉皆原宥將帥職司軍人犯法自
依常科

陳書宣
帝紀

緩南川等州田租詔

太建六年三月癸亥

去歲南川頗言失稔所督田租于今未卽豫章等六郡太建五年
田租可申半至秋豫章又遭太建四年檢首田稅亦申至秋南康

一郡嶺下應接民間尤獎太建四年田租未入者可特原除庶脩

黜無廢歲取方實

陳書宣帝紀

慰撫胸山黃郭詔

太建六年四月辛丑

敢情懷善有國之令圖拯獎救危聖範之通訓近命師薄伐義在濟民青齊舊隸膠光部落久患凶戎爭歸有道棄彼農桑忘其衣食而大軍未接中途止憩胸山黃郭車營布滿扶老攜幼蓬流草敗既喪其本業咸事遊手饑饉疾疫不免流離可遣大使精加慰撫仍出陽平倉穀拯其懸磬并充糧種勸課士女隨近耕種石幣等屯適意脩墾

陳書宣帝紀

贈諡周弘正詔

太建六年六月

追遠褒德抑有恆規故尙書右僕射領國子祭酒豫州大中正弘正識宇凝深藝業通備辭林義府國老民宗道映庠門望高禮閣卒然殞殞朕用惻然可贈侍中中書監喪事所須量加資給便出

臨哭謚曰簡子

陳書周弘正傳

給吳明徹麾鉞詔 太建八年二月

昔者軍事建旌交鋒作鼓頃日詭替多乖舊章至于行陣不相甄

別今可給司空大都督鉞鉞龍麾其次將各有差

陳書吳明徹傳

凱旋大會詔 太建八年四月甲寅

元戎凱旋羣師振旅旌功策賞宜有饗宴今月十七日可幸樂遊

苑設絲竹之樂大會文武

陳書宣帝紀

原逋租詔 太建九年五月丙子

朕昧旦求衣日旰方食思引億兆用臻俾乂而牧守莅民廉平未

洽年常租賦多致逋餘卽此務農宜引寬省可起太建日來訖八

年流移叛戶所帶租調七年八年叛義丁五年訖八年叛軍下六

年七年逋租田米粟夏調綿絹絲石麥等五年訖七年逋贖絹皆

悉原之

陳書宣帝紀

量酬軍功詔 大建十年四月庚戌

懋賞之言明于訓誥，挾纊之美著在撫巡。近歲薄伐，廓清淮泗，摧鋒致果，文武畢力。櫛風沐雨，寒暑亟離。念功在茲，無忘終食。宜班榮賞，用酬厥勞。應在軍者可並賜爵二級，并加資。副付選，即便量

處陳書宣
帝紀

停減供御詔

惟堯葛衣鹿裘，則天爲大伯。禹弊衣菲食，夫子曰無閉然。故儉德之恭，約失者鮮。朕君臨宇宙，十變年籛。旰日勿休，乙夜忘寢。跂子思治，若濟巨川。念茲在茲，懷同馭朽。非貪四海之富，非念黃屋之尊。導仁壽曰：宜羣生，寧勞役。曰：奉諸己，但承梁季。亂離斯瘼，宮室禾黍有名亡處。雖輪奐未覩，頗事經營。去泰去甚，猶爲勞費。加已戎車屢出，千金日損。府帑未充，民疲征賦。百姓不足，君孰與足。興言靜念，夕惕懷抱。垂訓立法，良所多慙。斲雕爲朴，庶幾可慕。雉頭

之服既焚，戈綈之衣方襲，損撤之制，前自朕躬。草偃風行，冀已變俗。應御府堂署所營造禮樂儀服軍器之外，其餘悉皆停息。掖庭常供王侯妃主，諸有俸餼，並各量減。

陳書宣帝紀

僑置淮北郡縣詔

太建十一年三月丁未

淮北義人率戶口歸國者，建其本屬舊名，置立郡縣，卽隸近州賦

給田宅，喚訂一無所預。

陳書宣帝紀

清人文案詔

太建十一年五月乙巳

昔軒轅命于風后，力收放勳，咨爾稷契，朱武冕旒，垂拱化致，隆平爰逮。漢列五曹，周分六職，設官理務，各有攸司。亦幾期刑措，卜世彌永，竝賴羣才，用康庶績。朕日昃劬勞，思弘治要，而機事尚擁，政道未凝。夕惕于懷，罔知攸濟。方欲仗茲舟楫，委成股肱，徵名責實，取靈多士。自今應尚書曹府寺內省監司文案悉付局參議，分判其軍國興造徵發選序三獄等事，前須詳斷，然後啟聞。凡諸辯決，

務令清大約法守制較若畫一不得前後舛互自相矛盾致有柱
滯紆意舞文糾聽所知靡有攸救

陳書宣
帝紀

改重受財律詔

太建十一年五月甲寅

舊律已枉法受財爲坐雖重直法容賄其制甚輕豈不長彼貪殘
生其舞弊事涉貨財盜不尤切今可改不枉法受財者科同正盜

陳書宣

大赦詔 太建十一年十一月辛卯

畫冠弗犯革此澆風擊戮是蹤化于薄俗朕肅膺寶命迄將一紀
思經邦濟治憂國愛民日仄劬勞夜分輟寢而還治反杜其道靡
階雍熙盛美莫云能致遂乃鞠訊之牒盈于聽覽春飲之人煩于
牢狴周成刑措漢文斷獄杼軸空勞邈焉既遠加召羣爾醜徒載
我彭汴淮汝氓庶企踵王略治兵誓旅義存拯救飛芻挽粟征賦
頗煩暑雨祁寒盛忘咨怨兼徇度乖外犬舍違方若曰之誠責歸

元首愧心斯積，馭朽非懼。卽建子令月，微陽初動。應此嘉辰，宜播寬澤，可大赦天下。陳書宣帝紀

尙儉詔 太建十一年十二月己巳

昔堯舜在上，茅屋土階，湯禹爲君，藜杖韋帶。至如甲帳絲絡，華樓璧璫，未能雍熙，徒聞侈欲。朕企仰前聖，思求訟平，正道多違，僥風又靡。至今貴里豪家，金鋪玉鳥，貧居陋巷，餽食牛衣，稱物平施，何其遺遠。燿烽未息，役賦兼勞，文吏姦貪，妄動科格，重呂旗亭，關市稅斂繁多，不廣都內之饑，非供水衡之費，逼過商賈，營謀私蓋，請懷眾弊，宜事改張。弗弘王道，安拯民靈。今可宣敕主衣尙方諸堂署等，自非軍國資須，不得繕造眾物。後宮僚列，若有游長，掖庭啟奏，卽皆量遣。太子祕戲，非會禮經，樂府倡優，不合雅正，竝可刪改。市估津稅，軍令國章，更須詳定。唯務平允，別觀離宮，郊開野外，非恆饗宴，勿復脩治。并敕内外文武車馬宅舍，皆循儉約，勿尙奢華。

違我嚴規。抑有刑憲。所由具爲條格。標榜宣示。令喻朕心焉。陳書 宣帝

丹陽等十郡田稅原半詔 太建十二年十一月己丑

朕君臨四海。日旰劬勞。思弘至治。未臻斯道。而兵車驟出。軍費尤煩。芻漕控引。不能徵賦。夏中亢旱。傷農畿內。爲甚。民失所資。歲取無託。此則刑政未理。陰陽舛度。黎元阻饑。君敦與足。靖言興念。余責在躬。宜布惠澤。溥沾氓庶。其丹陽吳興晉陵建興義興東海信義陳雷江陵等十郡。并謝署卽年田稅祿秩。竝各原半。其丁租半申。至來歲秋登。陳書 宣帝

遺詔 太建十四年正月

朕爰自遵疾。曾未浹旬。醫藥不瘳。使屬大漸。終始定分。夫復奚言。但君臨寰宇。十有四載。誠則雖休勿休。日慎一日。知宗廟之負重。識王業之艱難。而邊鄙多虞。生民未乂。方欲蕩清四海。包吞八荒。

有志莫從遺恨幽壤皇太子叔寶繼體正嫡年業韶茂纂統洪基社稷有主羣公卿士文武內外俱罄心力同竭股肱送往事居盡忠誠之節當官奉職引翼亮之功務在叶和無違朕意凡厥終制事從省約金銀之飾不須入壙明器之具皆令用瓦唯使儉而合禮勿得奢而乖度日易月既有通規公除之制悉依舊制在位百司三日一臨四方州鎮五等諸侯各守所職並停奔赴陳書宜帝紀

敕禁海際捕漁泥業

智禪師請禁海際捕漁泥業此江苦無烏賊珍味宜依所請求爲

福地

國情百錄

敕釋靖高等供給

至人爲法召身許道法師等善明治亂歸寄有敕可謂後道正士深可嘉之宜于都郭大寺安置所司供給務令周洽續高僧傳

敕北伐

今歲出師薄伐邊服所獲梁土則江淮二百許城東西五千餘里

然輒腹長文號千里也遠驗明言宛同符契

續高僧傳

敕畱釋智顓不許入天台

太建七年四月

京師三藏雖弘皆一途偏顯兼之者寡朕聞瓦官齊濟深用慰懷

宜停訓物豈遑獨善一二曹義達口具得朕意也

釋藏越字一號國清百錄一

敕給釋智顓

太建九年二月

智顓禪師佛法雄傑時匠所宗訓兼道俗國之望也宜割始豐縣

諷旨充眾費蠲兩戶民用供薪水主者施行

同上又見續字二號續高僧傳十七

敕給修禪寺名

太建十年五月

具左僕射徐陵啟智顓禪師創立天台宴坐名嶽宜號修禪寺也

同上

與邊將書

盧潛猶在壽陽聞其何當還北此虜不死方爲國患卿宜深備之

北齊書
盧潛傳

從釋智顛受法文

仰惟化導無方，隨機濟物，衛護國土，汲引天人，照燭光輝，託迹師友，比丘入夢，符契之像，久彰和上，來儀高座之德，斯炳是日，翹心十地，渴仰四依，大小二乘，內外兩教，尊師重道，由來尙矣。伏希俯提所謂，世世結緣，遂其本願，日日增長，今奉請爲菩薩戒師。續高僧傳

勝天王般若懺文

菩薩戒弟子皇帝稽首十方諸佛無量尊法一切賢聖自鶴林滅迹，鷲嶺凝神，瓶寫總持，遺文不墜，傳燈流布，法輪踰巖，方軌宏宣，既昭著于西域，分鑿顯說，亦漸移于東土，而周朝徵應，止見夜明，漢帝感通，不過宵夢，香象所載，虎視寂而未聞，龍宮所藏，麟閣闕其無取，山海爲隔，傳授蓋微，華夷不同，翻譯何幾，天王所問，止得經名，金剛之經，緣見一品，歷魏晉而未備，經宋齊而恆闕，我皇帝

承家建國。光前絕後。道格天地。通被幽微。大放慈悲。廣開智慧。施造化。曰仁壽。濟蒼生于解脫。異世界而承風。殊刹土而響應。真人開出。法寶傳通。粵曰天嘉六年。外國王子。月婆首那來遊。匡嶺慧解深妙。靡測聖凡。奉持勝天王般若經一部。于彼翻譯。表獻京師。某校彼前名。冥合符契。總三乘之通教。貫六度之淵海。如開暗室。日照優曇。十方眾生。若貧人之獲寶。四部弟子。等力士之得珠。金牒寶印。始茲辰而一啟。智慧實法。洎爾時而方具。故知如來咐囑。必俟仁王。般若興隆。期于聖運。弟子纂承。洪緒思宏。大業願此法門。遍諸幽顯。今謹于某處。建如干僧。如干日。勝天王般若懺。見前大眾。至心敬禮。本師釋迦如來。禮般若波羅蜜禮勝天王。願一切眾生。勤求般若。不避寒暑。如薩陀波崙。不愛身命。如精進力菩薩。得般若之性相。與般若而相應。攝諸萬有。住安隱地。含靈有識。悉獲歸依。稽首敬禮。常住三寶。廣宏明集二十八下

賜進士出身一品銜廣東等處提刑按察使司按察使兼管驛傳事務黃岡王毓漢校刊

全陳文卷三終